

Escrito por Redaccion @valminorinfo
Xoves, 15 Novembro 2012 11:40



Na semana do 12 ao 16 de novembro terán lugar no instituto IES Escolas Proval unha serie de actividades co gallo do X aniversario da catástrofe do Prestige organizado polo Equipo de Dinamización e Normalización Lingüística do mesmo centro.

As actividade contemplan dende xa, unha exposición feita cos recortes de prensa cronolóxico do desastre, así como numerosas publicacións que están a disposición dos visitantes e alumnado do centro .

"Para alzar a nosa voz, unánime e solidaria, contra a inxustiza, contra a negra sombra á que nos someteron os gobernantes de Galicia e de España, coa súa xestión infame e irresponsable, contra a ineficacia e indolencia dunha xustiza que tarda dez anos en xulgar aos acusados do delito".



"Dende o lado positivo temos previsto facer unha homenaxe nesta propia semana a todos e todas os que promoveron e asinaron o manifesto Nunca Máis, aos que constituíron á plataforma Burla Negra, aos que difundiron por internet a verdade que outros negaban, aos

Escrito por Redaccion @valminorinfo
Xoves, 15 Novembro 2012 11:40

voluntarios e voluntarias que colleron o petate e se lanzaron aos camiños para axudar, aos profesionais e aos funcionarios que aportaron o seu saber e supliron a desidia do malgoberno, tamén aos que só foron quen de chorar e ficar abraiados, inmóbiles e tristes. Para todos e todas, queremos que as actividades que imos desenvolver esta semana sexan a máis grande das apertas." manifestan dende a organización.

Actividades:

Toda a semana:

- Exposición de titulares de xornais relativos á catástrofe, durante estes dez anos.

Nos recreos:

- Sesións de música.
- Proxeccións de diapositivas sobre as mobilizacións do noso alumnado nos días da catástrofe.

Martes, 13, de 12.20 a 12.50:

- Recitado de poemas organizado polo Departamento de Galego.

Martes, 13 e venres, 16 de 10,40 a 12,20:

- Conferencia "O Prestige dez anos despois" a cargo do relator Alfredo López (presidente do CEMMA)

Xoves, 15 de 10,40 a 12,20:

Escrito por Redaccion @valminorinfo
Xoves, 15 Novembro 2012 11:40

- Conferencia "Contaminación mariña por hidrocarburos" a cargo da relatora Lucía Viñas (Química, investigadora do Instituto Español de Oceanografía)

